

淵雅堂全集

惕甫未定藁卷二十一

長洲王芑孫念豐

讚二

陳忠裕公像讚

有序

忠裕公殉難其輿人吳酉與公門下生王澐共收公尸
葬之廣富林而數數夢見公如平生酉故儻能寫生者
喟曰公豈欲吾寫像耶因試寫之惟肖其像藏於公元
孫女之子金山王錫瓚今爲公鄉人莊君師洛所得紙
本渝敝僅存面目師洛重摹是像將以置公祠堂屬余
題紀爲之讚曰

公騎箕上星斗嗟齒髮杳何有乃示夢隸吳西酉號咷
姑肖取魂歸來一揮肘儼如生肖非偶傳副墨經妙手
挂蘭堂奠椒酒侍中血丞相首颯精靈凜雄糾孰敢捫
怒欲吼付遺祠後永守

明廣東左布政使汪來虞先生像讚

并序

余少讀堯峯文略識明故廣東左布政使汪公行事及是七世孫國琛奉畫像及其年譜以來迹公先後忤璫既躡復起卒死海外逾十年而明社遂屋入我朝公會孫中允士鎡暨羣從子姓武曹右衡與堯峯相繼取科第以學行聞天下雖未躋穹要海內誦共文厯然能數其世焉公於勝國爲名宦於當代爲高門物久而盛盛極必衰衰極復始今堯峯墳屋且將湮沒國琛慨然訟之官雖事久不決而其志則嘉矣絜以九變復貫之義汪氏庶幾有興者乎中允婿吾家吾家石鳴山房與

堯峯鄰並往來非一世摩挲是卷追念兩家往事書其
後爲之讚曰

昔有先正翱翔晚明起家令長揭陽有聲入登郎選侃
侃自鳴出爲藩收蹇蹇將誠粵鄉多寶矢以孤清粵民
喜亂峻以法程撈殺妖惑解息鬪爭一鶚升陸羣狐穴
城中遭齟齬璫怒是撻以死勤事卒完其名烏庠隱憂
常在豐亨鹽綱海市漕艘銅阮古多伏莽今孰持衡使
得如公數輩崢嶸分布中外指麾縱橫何墜不舉何傾
不平何奸不剔何風不行風流異代慨想九京十世之
宥百世是旌公澤未艾勛爾後生

先七世祖承天府君早朝圖讚

有序

先七世祖承天府君以明萬歷己丑進士起家授刑部主事已改工部歷員外郎郎中出知湖廣承天府承天今安陸府明顯陵所在其太監將兵守陵者勢尤橫當公在官朝命內監陳奉領稅事于承天奉以私誣逮鍾祥縣令鄒光弼士民相與建幡謀救光弼守陵太監杜茂黨于奉擅興兵誅殺士民又誣劾公倡亂請悉屠承天民公憤以其事直揭臺省爲民請命朝論譴焉乃寢杜茂奏不下兩釋之然是時奄勢盛猶以中旨褫公及光弼回籍聽勘久之事白公已卒于家乃追議卹贈光

祿寺卿吾家自先文恪公以後尚寶太常二府君皆以
蔭入官及公蔭盡以科名再起世所稱盛然科第僅一
家私幸惟文恪公以文章垂世而公以風節繼聞此其
有繫于天下非一世二世而已也公所著書曰郢變紀
略曰續震澤紀聞曰鷗音白社詩世多有此所繪早朝
圖藍袍象笏計猶在郎官時叔父震重裝以示芑孫瞻
拜之餘欽想祖德乃爲讚曰

有巍文恪命世以文有疑我公風烈是聞一家之盛一
代之光遺笏在牀德音不忘家無盛衰德有隆替孰嗣
其音孰繼其世凡厥子孫云何弗勉先躅在茲庶幾思

踐

孫節愍遺墨讚 有序

乾隆四十一年 廷議輯勝朝殉節諸臣錄其間通謚
節愍者六百四十有三人明監軍副使孫公臨在焉後
三十年其裔孫起峘來爲蘇州教授奉公遺墨以示余
爲之讚曰

墨海倒瀾從帝鴻吹沫漲天雜魚龍煙煤邱墳埋英雄
士挾一管忽已翁書破萬帑如書空歐虞以外隨飄風
有飄不隕惟精忠書在莫論工不工真卿杲卿書豈同
偉哉晚明孫武公死託劍鋒生筆鋒斜行枯墨慘不穠
有碧其血藏于中繡褫什襲勒械封尚恐光怪騰長虹

葉葉嗣守昭無窮與履笏並傳其宗

李涪江 秉德 畫石讚

嘉慶七年臘月楞伽山人畚土石湖之上遇雪還自山中涪翁示以此畫山人讚之曰石之杈枒是不可磨石之黝黑亦不可拭不磨不拭君子之直有或拜之曰丈曰兄亦有不然病其礧礧豈惟礧礧頑且不平石一無言吾與寫生有介其貞不以乞人人亦不乞以貽子孫

蔣醉峰學正

和

墨竹讚

我借樛園實借其竹
璚琳琅玕森然滿屋
攤書其下鬚眉皆綠
忽有叩門投我卷軸
破墨一堆低叢幾簇
个字介字山曲水曲
昏煙乍開朝雨初沐
坐對此君又展此幅
餐秀療飢彌月不肉

趙太常遺像讚 有序

故太常卿趙公諱崙字聞仙山東萊陽人以順治十五年進士歷事 章皇帝 仁皇帝天下舉廉吏七人公與平湖陸清獻公皆在列其後諸公仕中外有遂有不遂而公未嘗顯其用不大究于當時獨爲江南提學道有名公由禮部郎提學在康熙二十一年天下之平未久三藩方蠢學官任輕或不暇自重無以勸士公至矢天誓日屏謝竿牘登明選公甄進寒素於時張尙瑗周龍藻吳暉吳翊韓孝基顧祖鎮之徒方爲諸生皆由是出一時搢紳縫掖翕然形雅成頌積數十萬言繇是作

道南羣藻之錄後百餘年 殿廷所取魁天下南士十
八九其或不幸而不達亦往往以文章學問自聞而後
知公之流澤遠矣公旣以清卿終其子孫多讀書取科
第有五世孫曾試官南來奉公遺像徵言公生平一二
有紀於掌故者大較相同其他行事或不具而芑孫南
士也宜書公南事特詳爲之讚曰

有倬清獻百世之師公與並薦其清可知公來於南學
政是持苞苴在門公則麾之藍縷在席公若私之旣膏
雨之又纒維之煦之吹之重切劘之前所未有後以爲
儀公去百年世變風移惟此南士 皇路載馳揆掛杞

梓萃我昌時孰造厥始溯自公貽爰有文孫繼公來
茲試權嘉定清獻所治出有家規今之從政
聖者噫嘻昔我先正渺矣曷追曷弗敬念二公之爲罔
或克念神其恫而式克念之視我讚辭公影則徂公像
在斯

沈浴鯨遺像讚 有序

君諱杲之字浴鯨以諸生中乾隆二十七年鄉試副榜
歷試南北時故翰林朱學士筠程編修晉芳以好士名
京師君遊其間文譽藉甚迄連蹇無所遇年逾五十卒
卒之日其父立方先生猶在所居袞繡坊高閣大屋闔
門數百指獨君無子及今三十年而一門羣從彫落無
存惟從子家巖藏君遺像示余余少以大父行事立方
先生及與君遊君通懷彊敏意氣恢然豈料其止於是
哉爲之讚曰

某視所書博懸于投勝負亦偶迴異其酬士以菽選鷲

驥紛糅孰主張是鬼神與謀君誰不如卒賈不售嗣允
既削年齡未修遺書旋散餘葉先秋謂天蓋高渺矣生
愁載瞻儀像往事東流覩君青鬢今余白頭書之太息
思古無訖

徐工部遺像讚

有序

工部之卒也親老子幼喪禮不具家人未及寫像於是其同學友沈恕屺雲從所藏橫雲秋興圖卷中摹以與之橫雲秋興圖者三年前余遊泃東諸子從予登橫山作也別自有記屺雲與鄉人經紀工部葬事屬余爲銘幽之文復以像來示余卹存悼往風義有足多者余年五十四孤勤學甫一歲恐不及覩其長成因書所作幽銘像後并繫此讚工部所授業生在人間至多其號爲門下大生如果齊斯歡輩方當顯進異日或有南來訪存任訪之孤追立唐柳之碑者以吾迹示之可也讚曰

讀宋諸儒之書追明先正之作庶篤志而勤身將砥廉
而敦薄既畢世之孤貧又一官兮拓落矢娛親於晚暮
捧 朝褒於林壑區區此願之弗酬傷哉抱遺嬰以誰
託寫儀容於平生坐青氈其如昨引壺觴而日醉尋顏
巷之餘樂後有讀吾辭而慨然追念乎斯人者尙與奠
其漂搖而弔之冥漠

程樸亭傳讚 并序

內閣中書舍人婺源程組過余以桐城姚先生所爲其
先公樸亭先生家傳求爲書石并綴一言今天下善爲
言無過姚先生先生之稱樸亭至矣余何加焉余二十
年前見組京師恂恂祥順有子弟之容既登朝藉請亟
遽歸東修家巷不爲營競睽然誦先述德求如姚先生
者託焉余雖不識樸亭觀組之所爲而樸亭可思也余
故歛產歛之山川風物至今在目故於其人之求言常
弗辭讚曰

樸之爲義不雕其天白黃无色五色所宣君表其德因

自名焉悖善不怠式以無愆年雖不永世則克延君其
往矣詒厥斯賢既拜密章賁爾重泉又託令辭樂石是
錡惟辭之信有愛而傳歛山業業歛水潏潏我懷其人
以樸自完欽想遺風水浹山巔

華亭學生張君遺像讚

有序

華亭學生張君諱興傑號蕙莊余爲校官時識其兄悔堂與載遠春興鏞時時過其家所謂塿射園者君必出揖貌豐碩氣不足以任其體樂辟雅拜恂恂有子弟之容稱其家門及余解職去不復見悔堂貽余書求儒門法語而君亦有意爲宋儒之學泐東士自時文外無所求君獨矯然勵行雖或拘方過當要其志則可嘉矣無何就鄉試徒步冒暑自棲霞抵白門中暍而卒年二十有八以其喪還有女無男立其兄弟之兩子爲嗣君娶于沈余門人恕之妹也恕述其妹矢節撫孤又哀其夫

之蚤隕莫聞于世也出遺像求言爲之讚曰

世罔悅學以儒爲嬉規言矩步嗤點隨之君何所見遠
衆勿疑內省其過外式其儀審以無年莫究莫施有幾
愼緯遺業是悲庶委厥祉以爲後貽幽光潛耀其發待
時

洞庭族人世澤圖讚五首

公諱斯英字懋如自號靖庵其先與余同出明贈光祿大夫伯英府君于余爲五世族祖生於明神宗四十四年實我太祖高皇帝之天命元年也入我朝以康熙十九年卒年六十五洞庭東山渺然處太湖中今者設官治與城市等俗亦儂且耗矣百年以前土沃而民愿其秀者多不樂仕雖以先文恪之顯于時一門羣從無肯因緣干進如公者年壽匪穹身經鼎革當夫奸佞滿朝流寇徧野庸敏之士抱器來歸首陽之夫爭棄薇蕨若武陵桃源不聞外事者生乎明之未亂又及見

我年國家之泰平焉爲之讚曰

東山之阻其土可稼有桑有橘爰得我所公于逍遙長
如太古東山之迴其境可隱有琴有書爰樂我靜公于
嘯歌不知改井遺範可思遺容可接藐矣高風被茲來
葉

公諱顯韶字孝和靜庵子也其生康熙癸丑正月其劬
乾隆戊午正月年六十七公少孤兩兄賣屋以治生業
公所受分不十一旣長販茶盱眙市中大饒利歸山中
養母兩兄老且貧矣所以奉給之甚厚兄亡又恤其子
晚歲作室嵩峯之下族子世琛以進士第一人及第省

墓主公家題其堂曰嵩麓至今世世居之云讚曰

士之賈志華膺學稗販祝偃窶世醜之價五穀買而士
謹視履牽車牛腴修隨聖褒之式於市公恂恂孝友敦
行靡悔長子孫久且蕃追錫恩嵩之麓故宅存我登
堂想其人

公諱奕基字肇千孝和之次子也生康熙庚子卒乾隆
丁酉年五十八公少承其父盱眙茶業益起恢大之與
兄奕坦相友愛兄晚倦遊公推燥就溼扶護備至多長
者行歲荒平糶山中臨歿拳拳以兄嫂未葬屬其子孫
生平力內行不忘其父訓故自號念庭旣歿三十年以

子世登贈儒林郎讚曰

出懋遷兮泗上歸款段兮江鄉恫鞠哀兮明發誦小宛
之卒章卜松楸兮獻兆分昭穆而同藏服訓彝兮自淑
述祖德以無忘念菑畬兮終畝勤作室而旁皇篤孝恭
兮沒世慶有積兮孔長綏厥子兮詒穀贈泉壤兮龍光
公名世登字升岳自號雲庵肇于子也公承先業居嵩
麓余五年前入山省墓飯于公時公兄達齋尙存達齋
工書有文雖病猶爲余強出盤礴彌日今達齋下世余
益衰疾臥家惟公與公弟古樵康彊無恙公年未五十
有孫勝衣以貲階贈其兩世所爲念先思孝以貽被方

來良未有艾讚之曰

昔爲嵩麓飲雞黍話周親鵠原增舊感馬齒悵今情居
山渺人事惟此道素敦園桃已落子庭竹亦生孫古琴
常在膝鳴和養天真清芬庶無墜松菊一家春

君名伯昆字漢池雲庵先生子于余爲叔父行而年小
于余匪啻以倍吾衰宗日失其序居城中者多游手不
菽或幸有操業苟免饑寒其悅學而勉義者鮮矣余愧
無術以導之惟山中人善治生衣食之餘自顧重易爲
善余所勸助於諸父兄弟者將因漢池而發之讚曰

東裘西裘眷一門南阮北阮參富貧者筭無積鼻禪

敢望化作天池鵝君年如旦升朝暉宰相世家表系存
冕蟬雖故俎豆新秋社有橘租有莼腰臘不憂雞與豚
何必抱書事空文繡其輦悅忘本根手持砥砮獻天關
退而修業孝友敦與人莊莊直以溫持家有術先持身
農賈力作皆天民非義非法心自捫令名要足貽其親
報 國豈在朱轡輪吾衰自棄麋鹿羣恨無俸祿賜族
鄰贈言述德聊云云諸父兄弟書諸紳

王氏家譜後讚 有序

吾王氏惟先文恪公舊譜嚴謹有法其後此所增冗長
無筆比於濫矣余欲仿歐陽氏例獨譜所自出而以他
支之賢有文者隨世繫之其芸芸焉自生自死不足爲
有無者皆沒不著庶幾進賢退不肖以存家乘之義卒
卒苦無餘力未之能就今姑讚於舊譜之後而待事焉
文恪公所撰延佑國祚一詩子孫依爲命名相承已久
今語有當易不可復循吾子孫異日卽以此讚隨輩命
名可也讚曰

嘉修懿好實惟忠厚傳是訓彝純嘏允受尙克增崇繇

緒攸久式遵垂範以茂爾後

明甘節愍公像讚

甘節愍公諱霖字沛之晉于湖敬侯卓之後也明洪武
中舉人授監察御史以直言廢又以薦起太祖奇其貌
授浙江左參政曰汝名甘霖浙中方旱可往應之既抵
官率僚屬請雨果驗尋以病歸靖難師入擢江西布政
使不就被逮不屈與御史董鏞同死戒子孫勿復出仕
其後遂沒不著乾隆四十一年 廷議緝勝朝殉節諸
臣錄 賜今諡入祀表忠祠嘉慶十八年秋其族孫福
奉遺像示余爲之讚曰

有烈甘公敬侯之苗奮于明初嶽嶽風標豸有獨角鷹

有奇毛寧以直廢不爲養交膺薦再起牧此疲彫與天
唯諾雨我東郊成功而退歸狎漁樵金川兵入城關弓
刀燕啄皇孫瓜蔓延抄糜我好爵招我干旄掉頭不顧
斧鑕是膏奕葉荒屏埋沒蓬蒿一時之憤百世之褒易
名予祀迺自 聖朝式瞻遺像翹想英豪忠魂毅魄颯
爽可招

孤行一意圖自讚

剛峯之剛乖厓之乖古有其人舉世非之字以表德坦然無疑猗嗟鐵夫自命何如謂可悔耶義有與扶謂勿悔耶子以無徒錯也莫鑄躍果非祥今其衰矣聊善而藏一節一笠一我相將

楊甫未定藁卷二十一

長洲王芑孫念豐

祭文

樂儀書院祀宋五子祝文

書院之設實始宋儒濂洛關閩人讀其書惟是樂儀有
祀自初義通釋菜禮亦宜諸履茲春秋序爰率生徒祇將
歲事潔芼嘉蔬神其昭格牖此顓愚尚饗

樂儀書院祀宋丞相文公元國信使郝公祝文

敬維二公眞州嘗至江山開闢英靈所寄欽想其人矧
當厥地立懦廉頑後生之賜時惟中春秋擊鮮將事風馬

雲旗來歆芬苾更有設教開先讀書爲治遺澤未忘好
音誰嗣侑食斯宜式臨陪位謹以故山長仁和沈公

諱

廷芳

前縣令韓城衛公

諱肅駿

配尙饗

自沈椒園先生開山以來有此兩祀莫之更也而其
後卽以椒園及創建書院之前縣令韓城衛公配祀
文郝協之于義皆不應法姑以有舉無廢踵前行事
舊祝文不雅馴爲易之如此嘉慶辛酉十月自記

代遣官祭告亡弟文

嘉慶三年四月乙未朔越二日丙申江蘇等處承宣布
政使司承

旨遣蘇州府知府任兆炯蘇州府訓導秦智銜祭告於
故湖北呂堰驛巡檢卹授雲騎尉世職王翼孫之靈曰
惟靈官居九品地界四馳曾不彌月劇盜闖籬無城無
饗激勸彫疲鄉兵一旅火中成師擒斬三酋乘閒出奇
據橋而守短劍孤麾力竭自沈盜殘其屍戰袍沙際碧
血是滋事

聞議卹加等隆施可嘉之至

手敕褒之丹書鐵券龍棒熊旗錫之鞶帶銘爾勲卮史
臣立傳昭忠子祠

賜爾佳城石湖之麋臯復具禮犬招如儀有

詔命爾歸宅於茲魂兮歸來孔固孔時婉婉就位羽林
孤兒特豚少牢法醞明粢

賜筵有踐碑

賜盤螭承

制將事職在有司靈其歆格欽是寵綏尙饗

祭蔣師輅文

烏庠靈氛往矣蜀莊湛冥卜筮之間古多異人左良于
史曠託于音先生風義與古爲倫惟先生家遠有代緒
名父之子祠祿而舉旣盲廼讀洞析醜縷夙因淨慧如
所習覩廢明任聰燎然今古手捫耳受略無所苦擺脫
天械呀啓牖戶猗嗟食貧託生何涯青囊有書而又奚
嗟雜占十八五行卅家探蹟窮奧驗不黍差江淮下上
奇中人誇填門求請無邇與遐雖然先生豈術流耶先
生執藝以養父母洎更兩喪視禮無咎歸妹弗愆擇嘉
匹耦孀姑恤緯瞻之良久歲時合族流連尊酒遇人欽

欽睦嫻孔厚昭質無虧於目奚負先生之學以不見見
辨燭義利若巖下電嘗遊某公因事請閒出人於獄故
無半面紈綺某生中落迤賤倉卒道塗百錢戀戀旁涉
方書以若紀傳他諸細務又一切辨瀕危屢矣卒全以
天宵街彳亍臥橋欹懸趾二分垂愴然欲前誰曰起起
耳畔歷然道遭馬逸忽躍過顛匪倖之邀或陰相焉不
盲于心伊古有言公樹立遠謂宜大年嗚呼世士炯然
瞋行先生則瞽了若鑑清善易不言數以理衡斷斷義
命雅步是程豈惟藝絕所謂德成晚宗釋梵淨業自精
以談天口諷千佛名臨終一詩來去空明嗚呼老成後

生之儀古求箴頌在大少師京房焦贛說經之遺以日
者終尙細於紆訃聞悽惻無知不知迴悲而歎稱願一
辭三雛舉舉棠也尤才其學其行爲士倫魁茂才異等
咸交手推胎經有效先生是哉某等習棠典型是懷壺
清俎薄以薦衷哀尙饗

祭彭尚書文

嗚呼我公斯文之英天壽平格以瑞昇平兩朝進退納約孚誠歸教於鄉闈我後生履信思順五福懋膺如何一昔揮手青冥惟公世家科名第一非曰科名繩此儒術述懷之作先民是質靈芝告祥公與俱出雍正四年其儀用吉結契叨榮後先無匹公不謂榮守之以謙公不謂謙養之以恬薄身厚志實大聲含累年不調泊若齏鹽公於斯時陸贄畢誠今

上初元赫然更始遠猷辰告寓之講義每論大臣周於羣吏躑躅言路嗟吁善類要以不欺歸于勿貳起居有

注考祥其視公於斯時少融公著僉司風憲載光原隰
時有學臣最工諂脅廉隅墮地公以疏入道出符離災
區賑急上下相蒙有司筐篋飛鴻在野五五十使還
上告悉論如法江淮諸吏嗒喪嗟讐孰謂書生雷霆呼
吸公於斯時傅元鄭俠浙漕之弊浙民之股至今爲梗
嗚呼困顛嘉量不設饕舌刺天公乃言之三十年前搜
鹽諸令號叫鄆屢驛夫驛馬縣官騷然旁籌水利酌請
疏填雖提學政未肯學拳公於斯時蘇軾揚暄六卿平
進坦坦周行 帝曰汝嘉俾總臺綱尙書兵部風月平
量委蛇退食銀燭青箱同官有過君子包荒雖提薄譴

暇豫翱翔綽然進退繫天下望公於斯時毛玠許將公
之仕學得以虛徐不由捷獲耄而有餘中更異數不次
其除 賜書 賜藥例外恩殊大臣之常不足殫書公
之內行既敦既飭惟曰養志蹇其報 國驛省太公星
驅自北慈竹春暉

帝省其德前後居喪茹蔬閔默式化于家以莫不則恂
恂子弟門風可式公之論文初務識時持衡最久馴雅
是師得人稱盛袞袞台司晚主紫陽稱物平施零章斷
句欣賞嗟咨短長肥瘠各盡其奇陽春三月雜花參差
披然絢望春風不知公陶元氣實有似之公之論學繼

南响後儒門法語奉之燈右閒譚陰隲爲後生誘晚叅
竺乘輪珠在手褰裳而去脫然埃垢曰考終命茲福不
偶於公無憾斯人之疾斯人之疾我里之瘁某操薄技
辱公知愛公之逝矣孰我乎誨於士大夫孰當受裁撫
筵長慟雪此肝肺其敢不獲自今砥淬庶幾答公以無
怨悔公影則徂質公心在嗚呼尙饗

祭楊六士文

浙西之楊有聞 國初大瓢昆季有禱其裾文章氣節
流傳塞隅宜昌厥後而紉不紓及君始大奮足天衢飛
黃服駕快濟時需謂當千里復蹶中塗平生風義雪涕
吾徒君之生也僑居輦轂先公晚隱毘陵是卜籍則山
陰未遊鄉曲少而道長舟車僕僕東盡之朶西登華嶽
操筆四方食於館穀辛勤一飯商量半菽飢寒孤露鍊
此雄獨嗟君早慧又居毘陵賢豪長者悉引爲朋毘陵
數子海內所稱君處其閒頡頏飛騰其視科第如歷階
升乃經累躓久而後登爲郎七載大著其能君之文辭

作東京體韓陵碑版彭陽箋啟播蕤發條姱麗自喜當
其得意范班祖禰詩境致高秋雲墮几樂府四十西涯
再起惻悵風花纏繇山水具有性靈風人之旨君之內
行醇白可風先公捐館實在山東貧不克歸號叫塗窮
或贈麥舟歸窆新封太夫人歿魚鮓斥供泣硯授硯圖
寫哀衷以陸讓弟兄友弟恭兄如元方弟亦士龍君在
西曹尤善慮囚日理百牘案無稽留提牢劇地餘刃可
游檢校木索男女異儔孰飢孰寒孰病不瘳與棺治藥
勤恤惟周大少司寇謂君才優君時可否諤諤掉頭君
嘗陪扈爭事其長長不能奪卒以獄上惟

帝清問恢恢天網時有 勅使出察濫枉長官材君輒
挾君往江西浙右兩京畿壤星驅南北有鞅其掌歸遷
一階力疾自強嗚呼君乎勇於爲官豈惟爲官爲文亦
然愜人愜已而後卽安其與人交吐出肺肝片言賞心
愛誦盤桓生平未識若素所驩故君之卒莫不洩瀾君
之至性卽是可觀此者使還城南買宅張樂治具飲御
賓客君殊病矣劇譚卽席客有憫君謂君少息君曰誠
然吾暇不得與暇而嬉寧永今夕無何請告侵尋日革
幾日不見逮茲易簀嗟君不死文自可傳英英二子玉
立頎然能讀父書夫何憾焉惟某等輩習君有年如何

舍我回首風煙叙辭伸痛損薦芳鮮翮其來格享是几
筵平生故人皆在筵前

祭王芍陂先生文

松陵文獻甲於江東自唐以來常爲雅宗一二老成餘古之風將求仿佛庶幾我公公之少也實以文雄既歷中外卓有民功中遭憂患益顯其庸施而不竟斯人之恫公生九齡學童諷試補弟子員年始十四翹然輩中老蒼驚異茂才異等名書拔萃旋賦鹿鳴以公車至迨成進士乃更吏事場屋後生傳其墨義人寫一編至今篋笥起家郎署度支農官稱於其長擢置臺端繡衣持斧風采可觀冠則豸矣人是祥鸞一爲同考譽滿孤寒察最而出西人是安觀察支使措置綦難凡十八年不

離皇蘭公之性情有粹如玉而其操行如布有幅與饜而肉寧啜吾菽與巧爲同寧拙爲獨累膺華廡蕭然儲蓄吏錄其家數閒破屋巾箱木屐甕中見粟嗟非此獄此節不累生平孝友醇白可儀晚而恂恂如未官時兄弟之子兒子撫之命其少者讀書京師其長者待是猶吾兒長者驟歿公不勝悲竟以此卒官無遺貲誰爲治瀆累我有司乾隆辛丑剿薩拉爾軍興倉卒西獄出矣公雖無與牽連坐禡大府知公爲公伸理奏叅其軍宣勞稱

旨其後三年石峯事起時嘉勇公督師至止開幕河漣

得公而喜刀光掠人礮火燒城堂堂嘉勇我出我兵旣
壓賊巢如海澆螢捕斬厥豪卽日已平髑髏模糊頭顱
崢嶸函獻帳前有睽其睛帳前孰在公一書生飛書草
檄風雨縱橫幕府上功無如公大遂從嘉勇出巡邊外
姑默三城祁連一帶花門諸部徧歷其界冰天雪地黃
沙紫塞據鞍而詠公何慷慨疏勒遺墟傳聞茫昧他時
掌故求公詩內此皆大者他不具論自茲大府倚公彌
殷

帝用嘉之有 命載申還公故階益調于繁三權廉訪
矜恤平反再登計吏以上考陳正需進用以福斯民如

何不弔揮手斯晨公在西隅人腴我臞方衆淪胥不隨
以濡旣及於難不逃其誅衆蹶而起不見其愉美擢爭
趨公曰姑徐隱囊羽扇玉佩瓊裾烏虜若此而不賢乎
卒終此官其有以夫某等習公復交公子公子也才瓌
頌繼趾東觀西曹迴翔並美公之未竟蓋將在是敬叙
生平告于筵几生芻非腆清尊非旨惟其陳詞庶無愧
已烏虜尙饗

祭馮太公文

烏虜忠信潔廉篤行可表如我魚山于今蓋少一官拓
落妻孥不飽喪其良子懸棺半道雙親天末望雲絲緲
迺於此時復奪厥考藥藥咯血夢中銘旌天乎奚酷理
不可曉矧惟太公如古君子讀書砥行本末可紀細爲
學官壽止于是卅年場屋詭遇所耻老驥伏櫪英雄拊
髀有子登科開試輒喜猶著麻衣與衆進止卒不得酬
歸教閭里方其少學一目數行受知學臣旋餽于庠晚
貢成均試職其鄉位不塞望矯修自獲通鑑一部讀之
最詳四子書注某句某章後雖老矣覆誦無忘晚生少

俊秀立汗僊生平內行醇白可風始年十八遭家屢空
朝求鹽米夕諷鐙紅入承父母出授學童中年竭力收
族敬宗初建祖祠率錢鳩功落成薦享講禮其中舉族
化之揖讓雍容學官注選未及真除攝事旁縣三易其
區力行月課興起生徒臨高海外瀕洞天墟帆風直渡
嘯傲龍魚三日而至一月之塗上官貽聘繼以嗟吁惜
茲壯往老以長裾勿曰長裾實有抱負豈惟抱負敷施
孔厚當歲大飢乾隆丁酉釀金蠲賑太公爲首孰無饗
殮孰升孰斗邨凡幾戶戶凡幾口飢而弗害飯甑粟缶
大吏獎之狀聞太守環所居鄉四面皆山民無他業耕

種是專草竊奸宄雜乘其閒每當秋熟夜出守田不爲盜傷則虎害焉單丁獨戶寡女孤男闔扉俱出出且不還父老愁苦積有歲年公立鄉約保甲之遺視田多寡出粟有差募夫巡更什伍指麾不耕之家懸困可疑究所從得因而治之盜窮無食自輸匪欺求補巡夫守望轉資薰其德善卽是可思性頗好遊名山結願襍被屋門亂流江漢桐廬虎阜題名殆遍一至京師慨然壯觀遂探潭柘瘦筇扶健前年別去流連親串脫帽雄譚劇飲善飯方謂長年曷圖遽變以公制行俯仰無慚身雖未顯子直金鑿伯子敏昌是曰魚山科名世有承學爲

難匪惟承學植德甚完其仲在京趣亦可觀公雖棄養
貽公以安於公何憾聞者洗瀾惟是敏昌克順且孝哀
不勝喪魂飛粵嶠朝一溢米嘔而號噉客有臨門不敢
入弔某等習遊道義相詔往慰敏昌溪毛潔茅廬行載
實爲文以告以當銘詩中心是悼烏虜尙饗

代江南督撫祭福郡王文

烏虜臯夔廊廟方召干城韋平世美李郭勲名炳乎前
史盛莫與京維王兼之瑞我 大清紫光再畫翠羽三
英 十全紀績一德孚誠出將入相金鉉玉衡前營星
實雪涕哀榮於皇 皇武王贊其畫謹書功簿以副竹
帛始兩金川狼狽作逆王在西師振旅有赫滴博蓬婆
是膊是礫弱冠之年袖攜霹靂旣第勲卮遂分蒲壁錫
稱嘉勇炳諸 天策爰移衛霍作我范韓留鎮三巴又
靖百蠻徼外飛鴉化爲祥鸞石峯之堡回鶻揭竿有司
不治烽及臯蘭鉄鉞驟至壁壘易觀火中成軍玉靶珠

鞍三月三捷削其嶺岼大瀛海外有若黑子是曰臺灣
番獠錯趾蘖芽其間莠民萃止潢池弄兵鯨濶遽起衽
席過師狼弧直矢王舟所履如渡杯水執訊獲醜拾蠶
澆蟻浪帖鯤身凱旋鹿耳南交伏陛請脫冠巾願登屬
國隸爲皇人始疇恫疑攸關遼巡王稟 睿謨籌筆如
神市球三江十三道民爰閭萊帛列我九賓不戰而服
威稜誕伸摠文進 覽問荅臚陳烏斯有藏場開選佛
巴勒乍歸廓喀闌入我軍鵲鴉此曹蟻蝻 命王徂征
師出以律天上將軍地中燔築火地冰天魔宮蠶室熱
索懸橋躡虛飛越譯表鳴心稽廷屈膝凡此膚功王奮

其庸躬桓遞晉節鉞攸崇忠勇前光忠銳繼封閩江粵
嶠和連崆峒宣布 上恩及乎太濛入贊中樞密勿虔
恭黃麻煥爛褒勵功宗使相領邊幢檠從容有苗弗率
辰溪之許深林密箐竹弓銅弩豕突于籓蟲坏厥戶

帝曰汝嘉揚我 王鈇露冕星旗朝霧暑雨再接再厲
架入其阻歸降歸順化翔階羽 帝念王勞載昇珪瓊
王雖力疾不以疾聞豪酋就縛餘若燎蟲佇歌朱鷺桐
鼓歸軍如何一昔揮手乘雲 帝聞震悼式獎蓋勤飾
終令典粲備儀文班劔納陸剪桐報勲子祠世祀藻稅
蘭焚惟王之勲與國長久於王何憾古三不朽惟茲部

曲海隅童叟驚怛兒啼無所不有

某等

叨任封圻夙親

山斗瞻迎丹旆坐拘職守敢擷溪毛陳詞几右臨風灑
翰以侑尊酒烏庠尙饗

代江南司道祭福郡王文

懿泰平之嘉會膺特進之殊榮起英雄于衛霍接步武于韋平託天家之肺腑作盛際之股肱帶文昌與武曲翼鼎鼐于干城書旂常而煥爛維吾王之挺生始終賈之妙年歷蜀都于秦棧逾玉壘之孱顏有金川之造亂分三道而進師帥重英于組練轟石礮之雷殛摧木城而雨散伏僧格于冥誅繫索諾而入見王子時則糾糾懾千夫于一箭歸金鑾以侍從宣玉節之風猷踐韋臯之雄鎮登庾亮之高樓俄蘭山之舉燧待諸葛之軍籌越盤龍與底店拋火彈于珠毬掃回鶻以一月

保狄道之數州王子時則桓桓又哀鴻之是鳩旋移鉞
于粵江責包茅于交趾郵黎人之失國侵阮疆而進指
乃默運而神馳羌不戰而鬼禡攸鎮南之雲關從極北
之星軌脫鼠耳之冠巾幕龍章于文綺王子時則雍雍
靖綏徠于喜起渺鯨滄之浩漾嘯鹿港之萑符驅兩狽
之狼狽拔三窟之根株覆空巢之妖鳥就行殿而獻
俘賻蚩尤之肩髀兩月支之頭顱駕樓船而踏浪帖溟
滓于天吳王子時則暨暨馴鮫鱗于瀛壚會天竺之販
區負地與之嶮奧蠢廓喀之昏狂入烏斯而呼譟擾都
網之淨方併巴勒而爲盜仗有赫之威稜躡懸橋而

騰蹕進臚句之傳譚伸脰鳴而哀告王子時則堂堂奉
收降之 天誥積中年之敬歷皆問世之殊庸有應期
而報捷無逾時而奏功爰契孚于一德承華袞于 九
重旣躬桓之迭晉冠班列以攸崇錫嘉名以忠銳表濟
美于宗功輟中樞之嚴重領邊徼之圻封適五溪之蠻
荒有三苗之叛服擊銅鼓而蹇神撓竹弓而逐肉敢縱
掠于虔綬結醜羣于頭目廼 命王而專征若澆蠻于
溝瀆乘句町之書郵擒儂酋于部曲佇偉烈之垂成遽
罹疾而稱篤披遺疏之悽惻紆 天顧于忠勤備哀榮
之典冊煥異數于儀文誕升華于闕闕大褒慰乎勞勲

賜納陛下朱戶絜陀羅于元纁營專祠于將作勅
廟食于苾芬分玠珪于世及以貽裕其初雲廻丹旄于
三湘集素車于四字咸墮淚于峴山願鐫功于岫嶼某
等各守官于江壖感飄零于大樹或故吏之銜恩或依
光之無所瞻風馬兮雲旗薦蘭肴與桂醕謹臚頌以抒
懷庶關河之匪阻烏虜尙饗

祭畢制府文代太守作

烏虜夔龍日贊未紀武功耿鄧勲高不爲文宗种詵上
第未有提封庾杜開疆科第匪崇雅歌方召銘泐彝鐘
亦粵史書沂公魏公廼兼其盛懿鏤顯庸公居當代慶
溢遭逢始公起家鳳池鸞掖華選是濤中樞兼直擢登
龍頭臚雲五色東觀納書西清濡墨芸館珠林臯比玉
尺講幄廻翔宮坊遞陟

帝謂侍臣鞏泰是式月節遂西星驅自北觀察文使一
路福星載遷陳臬爰樹藩屏殺函百二雍隴天庭以公
鎮撫因我西局勤民察吏豐樂綏寧祈甘太白靈雨旣

卷之三十一
七
零自

天褒之宣付在廷大城潼關雄扼建瓴書命保釐洛師
是寄古曰畢公及公而二旗纛舒舒莅中州治河朔旱
荒連年赤地公爲霖雨隨車而至問源胎簪文成啟事
鄴注桑經孔疏賈義

帝曰嘉哉讀書按記特揮天筆驛馳以賜豫功既告
督楚命宣江漢之壩翼軫之躔從容靜鎮寵接羣賢
萬流仰鏡咸予納延寶書娛暇漢瓦秦權吏或失指
詔省其愆左撫東人匪久其旋還公子楚勲閭爛然公
之分陝有薩拉爾倡亂皇蘭揭竿驟起濟師輸粟不待

中旨公奮其庸有條有理石峯之堡繼謀不軌戡定其
役功成折箠桐鼓歸軍經畫如始翠羽黃褶以錫公社
公還三楚蠶爾苗頑桓桓文襄授鉞征蠻輔之和伯采
入險躡流星烽舉滿月弓彎摧堅陷虛元甲朱殷軍書
旁午芻輓閒關公于其際裘帶巾綸孔迅不遲以整且
閒時惟教匪乘閒竊發妖躔襄郢尤探赤白分道搏之
事由倉猝公主當陽攻圍數月堙其溝壕隳其墮堞手
握雷霆搗其巢窟蜂屯螻聚是絕是忽

詔折勲后以光殊績彼羣不逞捕治有司自知罔赦弄
兵爲嬉始由莽伏久且蔓滋孺子匍匐抗其父師脅驅

挺走憫此蚩蚩南奔北竄兔脫狐疑我兵四面犄之角
之凡此軍事公于指麾嗟公積勞露晷日久偏禪不誠
賊如瘕狗忠憤發疾瘍生肘柳寢尋不治一朝揮手

尙方賜藥期公以壽力疾奏謝載拜稽首遺疏悽惻飾
終恩厚峴碑隨淚慟增童叟某前爲隸事公于秦擢
守來南公鄉是鄰翩然歸旆有識悲辛矧惟故吏被德
綦親敬擷溪毛衷哀以伸攄辭筵几指實臚陳雖其不
文庶質于神烏虆尙饗

祭畢制府文代

懿大儒之篤斐孰文武之兼資憲萬邦以吉甫格三苗
于有媯收范韓于科目錫旗旄以庸之帶文昌與武曲
握星宿于天維固泰平之鸞鷲忽戡亂而龍虺遁如公
之駿烈際嘉會于昌期羌五溪之毒滛叢百蠻之巢
穴據辰澣以鳴張入乾州而鼠竊挾竹弓與銅弩逞狼
心于鳩舌占黃矢于三驅來紅旗之一瞥公單心于籌
畫拔根株于苞蘖茲救寧乎楚南猗公才之允傑方苗
軍之旁午驅邪教之披猖奪帆檣于沔漢接烽燧于荆
襄與同時之節鎮各分道而剔攘公桓桓其秉鉞獨自

任以當陽覆營巢之妖鳥指威弧于貪狼茲者定于楚
北猗公謀之允臧偶兔脫以遭誅又峰屯而雜起錯豫
壤于犬牙望夔關之翬跂恍西突而東奔化長蛇與封
豕颯褒公兮鄂公紛一彼而一此公入護其儲胥出周
旋于鞭弭茲隕涕乎臨危猗公忠之允矢矧前此之勲
閱久勒燹而銘鐘有天友之薩拉煽新教之和通塵阜
蘭其未已焚底店與盤龍乍蒼黃于莫禦公濟師乎關
中迨石峯之踵變又迅奏其膚功茲勤勞乎分陝猗公
猷之折衝積功簿于後先昭戎經之果毅合杜斷于房
謀卽經義爲治事信儒者之英雄奉書生之將帥紀啟

歷于生平大敷宣于制置雖河岱之甍臨聞頌歌于所
至領庾杜之提疆總葛蕭之內治昔從公于陝右稟圭
臬于承宣誠雍容其靜鎮尤賑卹之殷拳易貞觀之舊
築城函谷之精堅移麾幢于洛下霈霖雨于河壩導淮
源之夙發貫河濟之蜿蜒念小東之杼柚豁逋賦于連
年瞻緯繡之豐融識文章之鴻辯凜玉帳之威稜壯金
鑿之華選擢上第之巍哉煥當朝之著撰培芸館之新
英溯講筵之舊踐雖捧擁于千夫尙丹黃于一卷猗
問學之淵涵焯功名于休顯嗟經時之露冕乘入夜之
星輅問往來于寒暑嬰疾疢于憂勞飲止池之賜藥

冀有瘳于崇朝儵騎箕而賁志猶遺恫乎兵之未銷備
哀榮于終始拜綸言乎慶霄嗟于公其奚憾獨民吏之
悲號某違侍以數年謬叨榮而進秩迴相望于封圻恒
赴聞之倉卒奈擐甲以治戎阻關山之齒萃致生芻而
未能誤歸喪之期日想風馬兮雲車渡江天之髣髴寄
一尊而遙酌敢侑詞于引紼

祭明訓導邵公文

嘉慶年月日華亭縣儒學教諭王苞孫謹致祭于明故
浙江雲和縣儒學教諭前華亭縣儒學訓導邵公之神
曰公官于是萬歷之年其名繼稷號曰五泉我既到官
問公遺田莫知所繇志乘闕焉官無簿籍故老相傳歲
收租入以奉豆籩吏風媮巧筐篋是填無小無大攫我
貨錢煌煌旗節饗壘相纏矧是校官貧懦荒孱飢寒迫
之攘竊牲牲金山析縣錯壤交纏田居彼界或乃垂涎
責言自鄰利勿容專輪收歲入分爾禾廩之例乾沒故
事相沿名爲祭田祭則舍旃祠在華亭名宦題榜風飄

雨晦敗瓦殘甍木主凌亂戶脫其鍵何暇問祭我至惻
然徵文考獻茫昧後先姑妄祀公迷悶罔宣祀公之日
風和景鮮豁如神相啟我心情有碑三尺陷祠左偏富
陽邵嘉立石并鐫置田若干若陌若阡公之事行出處
粗全雲和之階晚歲所遷公雖遷去教澤猶縣縣人言
吏吏拜封箋得請于 朝享是吉蠲康熙十八甲子廼
旋嘉公會孫視學江甯觀公遺迹具著于篇守令生徒
某某牽聯文旣嘉作田亦嘉捐春秋朔望誠後忘愆中
間隕墜乃弗其延及我而復式是几筵旣升斝醖亦有
筦絃神其悅熹豐穀登佃古今旦暮憂患萬千有蔚人

傑老以青瑣杯餐孟飯生死懸懸託之于世神鬼無權
人生壽命若矢在弦曠世一士猶若比肩惟其英采不
隔幽淵我雖無似偶此充員同官爲僚是用拳拳嗣我
以往責在後賢後有賢者將事斯虔使其不賢亦公所
憐公無怨恫一笑空煙爲文祀公識未與顛公祀或墜
吾文必傳變例書名千秋在前尙饗

名終將諱之祭文之法無書名者今以木主失其諱
而府縣志軼其號邵嘉碑記言不文而行不遠後人
靡得而紀焉余故欲存其名字乃變例用記傳體爲
之此臨文酌義所謂言各有當也

自記

又祭明訓導邵公祝文

嘉慶年月日某官某謹致祭于明故浙江雲和縣儒學
教諭前華亭縣訓導邵公并同祠諸公之神曰維公教
澤溥被當時易代而後縣人思之今雖卽遠典祀是垂
公之曾孫置田于茲春秋朔望將祀有資久墜而復徵
于遺碑履茲冬序薦獻允宜溪毛海錯吹竹弦絲同官
後進奠竚如儀公宜歆格樂是歌辭禮無獨饗併及同
祠祭當別室祠限故基酌義之變推公之私尙饗

前文太長亦非可常用故又作此寫付官中俾供歲
時贊讀名宦之爲祠典祀也今以其後嗣置田而有

一私祀禮宜別室而限于地故有未語此義前文未及
遂并著之 嘉慶丁巳十二月自記

哀辭

葛生哀辭

吾友石執如狀所善葛生乞言諾之良久而不得夫所以言者生無特絕之行不中爲傳其葬未也幽銘陽碣亦皆有待無已爲之哀辭而吾與生前未相知無一昔話言之好言之不哀顧執如請甚勤因潔其狀傳以辭以塞我執如之悲生元和縣人華其名尙虞其字別自號春陂其卒以今乾隆四十八年配朱氏無子生世吏也至生獨不願爲吏願讀書大要有所嚮可喜人也居母喪毀甚咯血坐是羸羸七年以死生之配曰玉濤憐

於其父不欲與凡子獨才生嫁之生生既讀書則聞潼關以西大小華山天下奇壯處翹然欲往遊之而玉濤兄官其地於是遂西生西而玉濤死耗達四千里立馳歸歸則已死無如何已而血大作竟死其死以不朽屬執如以爲如是則可以死也雖然生之弟穉父亦老矣吾未見生之可以死也生所祈嚮未成就雖同里閭賤而易接好議論如予者而生未之見也吾故未謂生之可以死也然而生則死矣生之屬執如也哀而執如之請於吾也有辭故刪序其略而生之所以可哀者亦卽是而見之辭曰

疾以喪母貞疾是也獨審以無年則命如是也貞疾恒不死謂死無悔也生有死友爲徵誄也吁吾誄之生不死也

顧秀才夫人哀辭

吾友顧君肇源喪其配過子恤然言曰吾婦之存也自幸得見於子之夫人嘗欲以所畫小像求題私於吾者數矣吾未之敢請也今死矣敢累子以瞑其目於地下於是舉其族出性行之大凡而曰吾婦陳氏吳縣學生嘉璋女育於其從父故山東諸城知縣嘉炎以爲已女而嫁之吾旣嫁則鸞裝具以養吾親又及事吾大父母甚有婦道吾廢久矣頃者北來依於石修撰韞玉以居將復從有司之試婦亦願吾之一奮於時也故從吾以來乃鬱鬱得瘵疾居二年竟死年三十有六其爲人無

暴喜怒而吾性躁不自制則必舉唐張公藝書忍字百餘故事以爲言蓋其所力以自治者如此子曰孟子以動心忍性爲生於憂患蓋易之反身修德而往蹇來譽者然也書言有忍繼以有容則惟中庸寬裕溫柔之至聖而后可以語乎此舍是而言忍黃老氏之學非婦德也婦者以順爲正而忍於何有且非有一險夷同貴賤齊壽夭達士沈洋之趣而徒以過抑摧沮自鍛其芒角如川焉壅之必潰此孺人之所以隕其生者夫雖然可哀也已乃用昌黎先生弔武侍御畫佛文之例剛取壁源所述俾予婦墨琴書其畫像之端而系之辭以哀之

辭曰

幼惇惇以無藉兮長既嫁而無家閔育子於異室兮死
又殯於他人之居羌何爲獨如此兮信賦命之難諷幸
配德於君子兮練婉嫕於艱虞發孤愁於衆笑兮徒默
默而日臞頰玉顏以蓋棺兮曷有銜而弗祛恫方懼而
雨絕兮凜降霜於蘼蕪申獨旦之餘哀兮傷眇眇之清
臚役精魂於想像兮杳不見而踟躕嗟影徂其心在兮
留髮髻乎茲圖